

章邱縣志卷之十五

軼事志

事不足昭法戒而播諸傳聞往往稱道之弗
絕揚雄之所謂說鈴者也其來已久不能概
削之書於卷末雖荒唐弔詭之言安知非理
之所或有乎作軼事志

長白山相傳古肅然也峴南有鐘鳴燕世桑門釋惠
霄者自廣固至峴聽聲稍前忽見一寺門宇炳煥
遂求食寺中見一沙彌摘一桃與霄須臾又與一
桃語霄曰至此已淹留可去矣霄出迴顧失寺至

912/12
100/2
8

登記號 66576

37年 2月 1日

廣固見弟子言失和尚已二年霄始知二桃兆二

年矣

見酉陽雜俎

長白山西有夫人墓魏孝昭之世搜揚天下才俊清
河崔羅什弱冠有令望被徵詣州夜經於此忽見
朱門粉壁樓臺相望俄有一青衣出語什曰女郎
須見崔郎什恍然下馬入兩重門內有一青衣通
問引前什曰行李之中忽蒙厚命素旣不敘無宜
深入青衣曰女郎乃平陵劉府君之妻侍中吳質
之女府君先行故欲相見什遂前入就牀坐其女
在戶東立與什敘溫涼室內二婢秉燭呼一婢令

以玉夾膝置什前什素有才藻頗善諷詠雖疑其
非人亦愜心好也女曰比見崔郎息駕庭樹嘉君
吟嘯故欲一敘玉顏什遂問曰魏帝與尊公書稱
尊公爲元城令然否女曰家君元城之日妾生之
歲什乃與論漢魏時事悉與魏史符合言多不能
備載什曰貴夫劉氏願告其名女曰狂夫劉孔才
之第二子名瑤字仲璋比有罪被攝乃去不返什
乃下牀辭出女子曰從此十年當更相逢什遂以
玳瑁簪留之女以指上玉環贈什什上馬行數十
步回顧乃一大冢什屈歷下以爲不祥遂請僧爲

齋以環布施天統末爲王事所牽築河於垣冢

一作

桓家遂於幕下話斯事於濟南奚叔布因下泣曰今

歲是十年可如何也作罷什在園中食杏唯云報

女郎信我卽去食一杏未盡而卒什十二爲郡功

曹爲州里推重及死無不傷嘆

見酉陽雜俎

宋乾道間章邱暨彥穎省親臨濟回投宿邸店倦憩

房內一女推戶入問爲誰密對曰我南鄰京氏處

女知爾至此竊相就暨喜留宿因隨歸里情好轉

篤目曰京娘歲餘出遊野外見墓祭者大慟曰未

知我父母爲我添墳上土否衆駭而叩之不肯言

晚歸語暨曰我實非人死未久但精不泯得以周旋世間與君有夙契得諧伉儷茲暫別明年今日當再會面於郊矣遂趨出不見及期果遇之

黌山後有仙人藏穀種於洞中數年一次出曬種於地回頭卽穗黃謂之回頭黃又洞中仙人養金蠶後常有拾金蠶者因名黌山蠶穀

章邱城中有張姓者其妻爲妖狐所惑冥啾晝嘯縱焚肆虐兵刃所加無如之何民控訴邑令令爲文告之城隍狐給婦曰汝官告我我無所懼但我亦不欲居此卽遁去無迹矣

女郎山有文星石相傳每大比之歲於八月朔日有雲如蓋覆其上以蓋之多少卜中式名數歷歷驗之皆然

城東十里許小荆山下有泉極清冽里人相傳能愈病邑人有疾輒不遠數十里汲水飲病人往往有愈者泉在寺中卽聖泉西流入獺河

東陵山下大石高丈餘有神異不時化爲人行醫邑中嘉靖初年嘗化一男子假星命自號石大夫至渭南劉家是時前令劉鳳池方爲諸生見其支干卽下拜曰我父母也異日登第必令吾章邱鳳池

謬然後果登進士謁選得章邱跡其人父老竝不知夜石見夢曰我非人東陵山下亭亭大石卽我也鳳池因往祭其處留詩刻之爲立廟邑人有沈疾多往祈禱輒託之夢寐爲人醫無不立愈

明崇禎末年邑人王憲起自行伍積官至帥頗跋扈曾領兵經邑中縱兵肆掠人皆苦之時方右武憲以夙嫌誣奏孝廉李衡於朝事白後李竟鬱鬱死李病革時語人曰我必訴之天帝未幾憲在行間時方晴晝黑雲倏起霹靂大作憲震死於野餘人俱無恙一子騃癡後亦天亡

邑東山村陳家河灘有逆子乳名白驢者虐其母無
不至母負痛輒望空呼籲一日大雷電繞其居母
又訴曰天欲尋白驢子耶神山院下鋤田者是也
時田夫猝聞雷至一閃爍間火光從地下起有物
自空中墜比視則白驢也膚焦額爛而死

李四業賈原籍棗強元時遷章邱新城鎮性慷慨好
施善舉難以悉數大德間以誹謗陷獄鞠訊時聚
蠅團繞吏筆邑令李異之祝蠅跡誹謗人而遣吏
尾其後比至城外古冢中有人自言我誣害善良
關聖束我輩在此事遂解李感 關聖德終身

虔奉如一日 關聖屢降神言李某忠義可爲立
廟其子孫未敢以聞明正德間村人乃與其五世
孫李臣報縣儀門無故自開邑令張驀見神於恍
惚中乃詳請立廟血食至今不絕

有碑文
可證

相傳 國初時邑諸生某於元宵節遙見一蓮炬其
光奪目自清平門隨行逐隊跳踔而來比至則一
青衣婢執之導一女子吟句云分明香在梅花上
尋到梅花却又無生於人散後俟諸門外又見女
婢執燈吟句冉冉北去明夜復然生語所知且云
俟其再至當跡之越十六夜生失所在數日有人

自柏庵來云庵中西壁某氏所寄旅櫬蓋下露新
袂似生衣家人鳴於官開視果生伏尸而死矣

縣南曹范村

關帝廟有巨槐三株俱數圍許土人

呼之曰大槐二槐三槐相傳爲唐時物也邑人有
客於南方者於逆旅見二老人皆魁梧不類常人
心異之問其姓氏曰姓槐余槐大弟槐二也原籍
章邱之曹范村客大喜曰吾與君同鄉何不相聞
老人曰余貧士昆仲三人寓居廟宇是以人無識
者今余二人徙居於此十餘年矣弟槐三尚在彼
君歸時願一寄平安語至夜分而去客歸至曹范

遍覓槐姓無之一村叟曰此必關帝廟巨槐耳

兩株已枯今計之恰十餘年因相戒勿犯故其三至今猶如故云

邑明經郝祚蕃正人也曾官福山訓導壽七旬餘將卒之前一月語家人曰吾適夢至一尊神所儀衛彷彿東嶽君召余授速報司印綬命以某日赴任及期果卒

邑西北鄉某年苦旱至六月不雨鄉人患之適有人載蕎麥一舟順濟流而下至水寨鎮與居人語及旱故曰計此時蕎麥尚可種吾舟中見有若干願

以分給歲底余當再至相償未晚也畢散而去是歲蕎麥果大熟鄉人以是獲全俟其人竟不至因立祠祀之曰齊王廟今廟已重修碑漫漶不可讀殊不解其命名之義耳

水寨鎮北三官廟創修時神像擬以木爲之購良材未得也廟前乾河相傳爲當日運糧故道會有舟自上流來及廟忽作盤旋狀舟人詢於匠者曰某處有某客三人以沉香托寄章邱水寨鎮乞示其地匠者以對舟人付所載於岸而去衆異甚卽用爲三官像至今如故有碑記

邑南峙山之陰有邃谷中隙地畝許每春夏之交見金錢滿地精瑩照人土人拾其一攜歸衆視之文如蝌蚪不可辨往掘亦無所得遂名其谷爲金錢谷

東陵曉月爲陽邛八景之一昔有樵夫採薪石磴間忽懸崖透一孔隙墜金錢十八枚樵得錢窺孔隙中高敞如廳厦堆積金銀寶珠光耀奪目欲卽攜取苦無具恐復有人見遂用土石塞其隙另樹一石作志急歸家取具來其所志石處已迷不復得聞神語云寶藏庫後垣損塌復一神語云已發金

錢十八枚僱夫彌補矣樵知不可妄希遂語傳於世

邑人崔三訓妻劉氏未字時卽以孝聞旣嫁事翁姑孝行尤篤康熙甲戌劉年六十有五二月二日因歸寧經村之西北隅土地祠少憩命婢鋪茵神象左端坐移時五官火出全體燒化見者皆謂以孝得仙其家秘其事具棺葬之

已上見舊志

漢平陵王墓墓多狐狐自穴出者皆毛上畚灰魏末

有人至狐穴前得金刀鑷玉唾壺

見酉陽雜俎

高堂

應作唐

縣南有鮮卑城舊傳鮮卑聘燕停於此矣

城傍有盜跖冢冢極高大賊盜嘗私祈焉齊天保初土鼓縣令丁永興有羣賊劫其部內興乃密令人冢傍伺之果有所祀者乃執諸縣案煞之自後祀者頗絕皇覽言盜跖冢在河東按盜跖死於東陵此地古名東平陵疑此近之

見酉陽雜俎

按土鼓城已廢於魏而鮮卑城亦未見於他書始附於此以俟考

宋宗立本黃縣人紹興間與妻販繒帛塗遇小兒約五六歲言語儼利曰我昌邑公吏之子遮拜遂收

育之能作大家篆隸草書立本遂棄舊業攜兒遊
以自給至章邱逢一胡僧指小兒曰是吾五台山
五百小龍之一也索水喫之化爲小赤蛇收入淨

瓶中去

見淮東
鈴轄說

三角泉西石厓下有金牛洞洞前石上有牛蹄數十
跡深寸許土人相傳昔有采掇山川寶藏者伺洞
畔數日金牛出飲急捕未獲牛奔入不復出矣

大鐵二塊在縣西南五十里高二莊河東岸重千餘
觔傳爲唐太宗東征時造盛甲所遺不爲民用昔
土人鑿觔餘冶作佩刀鋒鋸甚利削鐵如泥以誤